

04/04/1997

Dr M pertahan anggota Parlimen

KUALA LUMPUR, Khamis - Perdana Menteri, Datuk Seri Dr Mahathir Mohamad, berkata kehadiran yang kadangkala sedikit oleh wakil rakyat ketika sidang Parlimen tidak wajar dijadikan sebagai penunjuk untuk menilai mereka.

Beliau berkata, ada kalanya anggota Parlimen berada di luar dewan, tetapi masih boleh mendengar prosiding menerusi sistem siar raya.

"Jika kita melihat jumlah mereka di dalam dewan, ya. Tetapi mereka berada di luar. Kita menyediakan siaran prosiding dan kita boleh mendengar ketika berada di coffehouse, ruang rehat dan tempat lain," katanya ketika diminta mengulas mengenai tinjauan sebuah akhbar harian berbahasa Inggeris mengenai kehadiran anggota Parlimen ketika sidang Parlimen.

(END)